

Mit neersticheit alle dusse gescheende dingen in warheit tho bescre-  
gen,

Und hebbe se hier kortelyck gesett in rymes gestalt,

Up dat men de menliche daden Grave *Edsards* in frisscher gedechte-  
nisse halt,

De Almechtige wil den *Oostfreesen* de genade geven,

Dat se sodanen *Heren* in *Oostfreeslant* weder mogen beleven,

Dat sulvige geschee in den name des *Heeren*,

De gantze gemeent in *Oostfreeslant* ryck und arm scholen nicht an-  
ders begeeren.

*Wat tide de borgeren van Lehr mit Kruit market van  
Graven Edzard begnadet.*

CCLIII. Do men schreeff 1528. naedem de Drost *Eggerick*  
wegen de borgere und inwonere tho *Lehr* Grave *Edsard* mit flit-  
tiger bede angesocht to beteringe oerer neeringe mit een market  
gnedichlich to vorsehen, so heft de *Wolgebaerne* und *Edele Gra-  
ve Edsard* tho *Oostfreeslant*, dewyle he stedes den synen in oere  
neringe to forderen genegen ist gewest, den borgeren und inwo-  
neren tho *Lehr* um oere bede wille gegunt und togelaten up *Ex-  
altationis Crucis* een nye market up to richten een dach vor und  
nae alle jaer, een weken market alle *Donderdage*, als folgende *Co-  
dia* klarlichen meldet:

**W**Y *Edsart* Grave tho *Oostfreeslant* doen kundt  
ende bekennen, naedem unse lieve getrouwe  
borgeren und inwoonere tho *Lehr* uns mit flitiger be-  
de angesocht hebben, se tho beteringe oerer neeringe,  
de wy den unsen alle tyt rho forderen billig geneget  
sinnen, mit een market gnedichlich tho vorsehen, so  
hebben wy genanten unseren borgeren und inwoone-  
ren, um oerer beden willen gegunt und tho gelaten  
up *Exaltationis Crucis* een nye market up tho richten,  
een dach vor und nae alle jaer, und een weken mar-  
cket alle *Donderdage*, als wy ohne hier beneven ock  
be-